



140 to 61

140 to 61  
140 to 61  
140 to 61  
140 to 61

140 to 61  
140 to 61  
140 to 61  
140 to 61

~~Biblioteca Universitaria  
GRANADA  
Sala A  
Cajón 31  
Tabla  
Número 110~~

~~4  
H-25~~

laja 2-65



Comienzan los numeros desde .1. asta 25, y luego vueluen  
à començar desde el numero .1.º y como estan se an de  
coger.

Optimum of ...  
a ...  
copy

Del Sr. Pedro de Montenegro

Del Colegio de la Compañía de *Memoriales,* *Sr. de Granada. B.B.C.*

*Tratados y varios Papeles, y Decretos Pontificios*

*en favor del Misterio de la purissima Concepcion de Nuestra S.<sup>a</sup>*

*L.*

*Nuevas Cartas de Reyes, Reynas, Princesas  
assi Ecclesiasticas, como seculares*

*escritas a los Summos Pontifices en diferentes  
ocasiones*

*pidiendo la definicion del misterio de la  
Concepcion de Nra Señora*

*Tomo Primero.*



*El Indice de estos Papeles esta en la op. siguiente.*

*Notione papel alguno prohibido  
por el ex purgatorio R. d. d.  
o decretos y tenemos el o g.  
an salido hasta el año  
de 1724.*

*Labado  
sea el S. M. Sacram. y la immaculada  
Concepcion de la Virgen Maria nra S.  
concebida sin pecado Original.*

*[Faint, mirrored handwriting, likely bleed-through from the reverse side of the page.]*

*[Faint, mirrored handwriting, likely bleed-through from the reverse side of the page.]*



*[Faint, mirrored handwriting, likely bleed-through from the reverse side of the page.]*



2

Indice  
de los Papeles de este Tomo.



Mr. [unclear] [unclear]  
[unclear] [unclear] [unclear]







Letitum à Rege Catholico declarari Pontifex non fictam; Ad veram Conceptionem  
B. Virginis celebrari ab eadem in Sin. Conceptioni & Anniv.

138  
253

Dum à Sede Apostolica ex parte Catholici Regis petitur quod declaretur mens  
Ecclesia ea esse, cum Conceptionem B. Virginis celebrat, ut scilicet non Conceptionem  
fictam, vel maculatam, sed veram et naturalem ac Immaculatam, et preservationis  
munere sanctam celebret; petitur quidem id, quod ut minimum necessarium est,  
ad pacem et quietem, nec non ad tollenda gravissima et perniciosissima scanda-  
la, quae alijs remedijs non cessarunt, petitur etiam id, quod Summus Pontifex  
ex debito sui muneris debet ad eum finem providere, ut sine definitione de fide  
et sine rationabili ullius offensione, haec adeo nociva contentio, aliquando ex-  
tinguatur vel consopidatur.

14-126

Ad hoc comprobandum unica sufficit ratio in hunc modum. Pontifex ex officio  
debet gravissimis scandalis obviare, quoties id facere potest, maxime in ijs quae  
ad cultum et pietatem Christianam spectant. Potest autem in hac materia sine  
gravi inconuenienti obviare gravissimis scandalis, quae ex praesenti statu  
oriuntur: debet igitur id facere ex officio, etiamsi desent alia omnia, nempe  
Catholici Regis pietas, et reuerentia, quae ommissis ceteris vijs quas potuisset  
tentare hanc unicam elegit imploranda Apostolica sedis: fidelium item af-  
fectus, qui hoc desiderant; Academicarum consensus, Praefatorum, Capitulo-  
rum, Regnorum, non solum assensus, sed desideria, et preces, et alia eius-  
modi quae alibi in considerationem adducta sunt.



Restat probandum Pontificem posse et debere. Et quidem materiam hanc  
eiusmodi esse, quae non ad alium nisi ad summum Pastorem spectet, non in-  
diget probatione, cum temporalis non sit sed mere spiritualis et omnino  
Ecclesiastica, spectans ad cultum et religionem, et ad declarandam men-  
tem suorum Praedecessorum, et ipsius Ecclesiae circa praecipuum ab Eccle-  
sia latum de hoc festo celebrando. Debere autem Pontificem hoc tempore  
ex suo munere id praestare, probari potest insinuando incommoda et scan-  
dala quibus oportet obuiari, et ostendendo simul nullum graue inconueni-  
ens, ex eiusmodi declaratione circa definitionem facta, posse suboriri.  
Et quod attinet ad primum de scandalis: Supponendum est primo, scan-  
dalum esse propriissime, quando aliqua occasio datur retrahens homi-  
nes à vero cultu religionis, non solum debito sed etiam voluntarie exhiben-  
do. Sic enim Jeroboam scandalizauit subditos retrahens illos à sacrificijs  
in templo debitis offerendis: filij autem Ueli peccarunt etiam peccato scan-  
dali; quia sua auaritia retraherant homines à sacrificijs voluntarijs  
frequentandis. illud ergo in praesenti materia scandalum reputatur quod  
retrahit fideles à cultu et celebratione huius festiuitatis, quae quidem  
non solum est actus voluntarij religionis, sed debitus iam et praecipuus ab

111  
Ecclesia. Est etiam scandalum in presenti omne illud, quod attento hoc verum statu, aptum est generare dissensiones, rixas, iurgia, odia, inimicitias, religionis et religiosorum contemptum, contumelias, et denique quod apud haereticos vel etiam rudes, minuit auctoritatem Sedis Apostolicae, et rituum Ecclesiasticorum.

Supponendum 2°. festiuitatem hanc non solum esse ab Ecclesia permissam aut volitam utcumque sed omnino praecipit ut constat ex festi institutione et ex Breuiario Romano, et quod magis est, esse praecipit in iudicio contradictorio et re accurate examinata sub nomine Conceptionis excludendo et prohibendo nomen Sanctificationis, vel quodcumque aliud minus clarum, ita ut sine graui culpa et censuris grauissimis, nemo possit ob priuatum affectum vel sensum excusari iam a celebranda Conceptione, prout ab Ecclesia Romana sub nomine Conceptionis celebratur, et per consequens nemo potest non celebrare id, quod hoc nomine celebrandum proponitur.

Ex his quae certissima sunt constat iam, attempta fidelium conditione, necesse omnino esse, ut oriantur scandala, nisi firmiori et potentiori aliquo remedio praeueniantur. Nam vel nomine Conceptionis, quae sub hoc solo nomine celebrari et coli praecipitur, intelligitur Sanctificatio quocumque alio tempore ante natiuitatem facta, vel conceptio vera et naturalis. Si dicatur primum; magnum certe scandalum Ecclesia dedisset fidelibus, dum rem aliam adeo diuerso vocabulo colendam proponeret. Quomodo enim fideles audientes sibi praecipit cultum Conceptionis, et prohiberi nomen Sanctificationis, non cogitarent sermonem esse de vera Conceptione naturali; maxime cum in ipso officio ab Ecclesia Romana ordinato de Conceptione naturali expressè agatur? Certe si non est iuxta Ecclesiam mentem, quod Conceptio vera celebretur, maximum datur fidelibus scandalum, quamdiu sub ipsius terminis festiuitatis praecipitur, sub quibus non possunt de alia Conceptione cogitare, et per consequens exponuntur aperto periculo superstitionis, dum illum cultum tanquam sibi praecipitum exercent, qui non est iuxta Ecclesiam mentem, nec iuxta veritatem. Superstitio enim est cultus Dei continens falsitatem ut docent Theologi cum S. Thoma 2. 2. q. 93. art. i. nam veros adoratores in Spiritu et veritate oportet adorare. Haec autem falsitas dupliciter contingit iuxta S. Thomam. 1°. significando aliquid falsum. 2°. Exhibendo cultum aliquem nomine Ecclesiae, quem Ecclesia non praecipit, et utraq. falsitas, ac per consequens utraq. superstitionis ratio reperiretur in hoc casu, si quidem nomine Ecclesiae coleretur Conceptio immaculata falsi et quam Ecclesia coli non praecipit.

Si verò (id quod verum est) faciamur, Ecclesiam Conceptionis nomine

Conceptionem veram intelligere, nec fideles suos decipere in re tanti momen-  
 ti: tunc aliunde insurgunt plura scandala quamdiu Ecclesia rem ita  
 non declarat, ut non liceat de festiuitatis sensu dubitare. Primum est,  
 quod retrahuntur fideles à cultu debito, et præcepto exhibendo, dum ex  
 una parte cogitant proponi sibi festum et cultum Conceptionis Immacu-  
 latae (pro ut re uera proponitur) ex alia uero audiunt, Conceptionem  
 non fuisse immaculatam, sed maculatam. Negari non potest magnum  
 fore scandalum, si dum celebratur festum alicuius beati nondum Cano-  
 nizati, et per consequens non ex decreto, sed ex permissione Ecclesia,  
 aliquis tamen diceret, illum neq; esse beatum, nec dignum tali cultu.  
 Item dum fideles confluant ad uisendum et venerandum corpus S.  
 Ceciliae vel alterius in Vrbe, ad quod faciendum Pontificijs indulgentijs  
 inuitantur; magnum esset scandalum si aliquis diceret, illud non esse  
 corpus Sancti illius, sed alterius personae vulgaris. Vtroq; enim casu fide-  
 les retraherentur à cultu religioso ab Ecclesia permisso vel desiderato, li-  
 cet in neutro casu definitum esset de fide illum esse sanctum, vel illud esse  
 verum corpus illius Sancti. Multo igitur magis videtur indecens, si quamdiu  
 omnes celebrant Conceptionem immaculatam Virginis, quam sibi cogitant  
 proponi, et præcipi ab Ecclesia colendam; aliquis dicat, illam esse macula-  
 tam, et per consequens cultu indignam. Quid hoc est aliud, nisi retrahere  
 omnino fideles à pietate et affectu erga cultum illum ad quem ab Eccle-  
 sia alliciuntur, et coguntur.



Secundum scandalum est, quatenus datur occasio contemnendi Ecclesia  
 auctoritatem, et eius Sacratissimos ritus. Videntes enim Ecclesiam insistere  
 in præcipiendo cultu Conceptionis, et excludendo alio quouis nomine præ-  
 ter Conceptionem, aliunde autem audientes, Conceptionem esse maculatam,  
 censent ab Ecclesia præcipi cultum Conceptionis sordida et maculata, pro-  
 poniq; etiam sub præcepto colendam ab omnibus fidelibus. B. Virginem, qua-  
 lis erat eo instanti, in quo erat Deo inuisa, odibilis, peccatrix; sub pote-  
 tate diaboli, et serua iniquitatis. Quod perinde est, ac si Ecclesia inuis-  
 taret, et cogeret ad colendum peccatum, seu seruitutem sub ipso diabolo  
 ut intulit Bernardus loco infra citando. Porro quam sit hæc cogitatio in-  
 decens et contra reuerentiam Ecclesia, quantumq; deroget ipsius Eccle-  
 siae auctoritati, constat aperte ex ijs, quæ antiqui Patres de hac Eccle-  
 siae auctoritate censebant. S. Iulianus in lib. de Virginit. et parturit.  
 Maria, hoc argumento probat, non debere reuocari in dubium natiuita-  
 tem Virginis fuisse Sanctam; alioquin enim, (inquit) minime eius Nati-  
 uitas colenda esset. Nunc autem quia ex auctoritate totius Ecclesia ve-  
 neratur, constat eam ab omni originali peccato fuisse immunem. S. Ber-

155  
natura Epist. 173. ad Lugdunenses (canonios; fuit, inquit) procul dubio  
mater Domini ante sancta, quam nata nec fallitur omnino Sancta Ecle-  
sia, Sanctum reputans ipsum Natiuitatis eius diem, et omnianno cum  
exultatione uniuersa terra uotiuca celebritate suscipiens. Sic etiam ibidem  
pro coniecto supponit, non posse celebrari Conceptionem si Sancta et Im-  
maculata non sit. Quomodo (inquit) festum haberetur conceptus, qui  
Sanctus non sit? et in fine claudit Epistolam Orthodoxa illa sententia:  
Si sic uidebatur, consulenda prius erat Apostolica Sedis auctoritas.  
Cuius iudicio se statutum testatur, Unde non immerito Card. Baronius  
tom. 12. an. 1136. n. 15. censet Bernardi intentum in illa Epist. non  
fuisse reprobare sententiam quam alibi docuit, sed impedire, ne sine con-  
sensu Sedis Apostolica institueretur illud festum, nam accedente illo con-  
sensu, iam cessaret periculum superstitionis. Itae ipsa securitate dixerat  
superius de eodem festo Natiuitatis, Ego uero quod ab illo (hoc est ab Ecclē-  
sia) accepi, securus et teneo, et trado; quod non, scrupulosius fateor ad-  
miserim. item serm. 2. de Assumptione dicit, quod aliter existimare  
de Natiuitate, prohibet pietas Christiana, hae enim festis laudibus na-  
cens honoratur. idem argumentum usurpat S. Thomas 3. 2. q. 27. ar. 1.  
Eclesia (inquit) celebrat Natiuitatem B. Virginis: non autem celebratur  
festum in Ecclesia, nisi pro aliquo Sancto, ergo B. Virgo in sua Natiuitate  
fuit Sancta. eodem modo loquuntur alij antiquiores et recentiores, apud  
quos pro piaculo habetur, quod aliquis audeat in Ecclesiastico cultu aliquid  
inuenire, quod cum prophanium sit proponatur colendum et venerandum.  
Hoc tamen aliqui impune nunc docent, dum Ecclesia celebrante Concep-  
tionem ipsi contendunt adhuc Conceptionem, quam Ecclesia celebrat  
fuisse maculatam et sordidam.

Tertium scandalum est et grauissimum, quod datur haereticis, qui ni-  
hil aliud desiderant, nisi Ecclesiam cauillari. Videntes autem Ecclesiam  
adeo enisse commendare et praecipere festum et cultum Conceptionis, et  
aliquos adhuc Ecclesiae filios docere Conceptionem fuisse maculatam; ex  
utraq; praemissa arguunt, Ecclesiam turpiter errare, venerando Concepti-  
onem maculatam. Ex hoc etiam confirmant pessimum illud Lutheri dogma  
dies festos non esse propter sanctitatem illius quod celebratur, sed propter  
politicam gubernationem et regimen populi, de quo Card. Bellarm. tom. 2.  
lib. 3. de cultu Sanctorum cap. 2. adhibent enim de facto haeretici exem-  
plum in festo Ecclesiastico Conceptionis maculatae. Sic etiam arguere pos-  
sunt, ex eodem festo ad debilitandam auctoritatem aliorum festorum, et  
ut omnia prophana faciant. Si enim Ecclesia celebrat unum festum pro-  
phanum, quid ni plura alia? Hoc certe scandalum radicitus tollitur decla-  
rando



rando Ecclesiam non nisi Sanctam Virginis Conceptionem suo festo celebrare  
et colere.

140

249

Quartum scandalum est, quatenus contra eandem Ecclesiam reuerentiam  
aperitur ianua huiusq; clausa, non solum dubitandi, sed contradicendi aperte  
Ecclesiam in ijs omnibus quae de fide non definit. Cum enim constet, Eccle-  
siam non solum propendere in hanc partem, sed hortari, et obligare ad  
eam celebrandam, et aliunde videamus aliquos impune dicere Conceptionem  
non esse cultu, et ueneratione dignam; facile incipiunt fideles audere  
ad retinendos proprios sensus, et defendendos contra sensum Ecclesiae non  
definiens de fide. Hoc autem longissime abest a Christiana simplicitate  
et obsequio erga Ecclesiam. Verissime enim Augustinus epist. 118. dixit:  
Disputare contra id, quod uniuersa Ecclesia sentit, insolentissima insania est.  
Negare autem non possumus Ecclesiam sentire Conceptionem immacula-  
tam esse et dignam cultu; cum ipso facto eam colat, et colendam omnibus  
praecipiat, ergo quamuis non credat hoc de fide esse, sentit tamen verum  
esse. S. Thomas 2. 2. q. 10. ar. 12. reuerenter satis loquitur dum ait:  
maximam habet auctoritatem Ecclesiae consuetudo, quae semper est in  
omnibus emulanda. Et ex hoc probat Iudeorum filios inuitis parentibus  
non esse baptizandos, quia licet multi Doctores ante et post S. Romam op-  
positum sentirent, et licet nullum de hoc extaret apertum Ecclesiae decretum  
aut statutum: quia tamen nunquam fuerat talis consuetudo in Ecclesia,  
hoc sufficit apud S. Romam ut contraria consuetudo non admittatur. Si  
ergo solum silentium Ecclesiae sufficit S. Roma ut non audeat oppositum  
asserere, quanto magis Ecclesia loquens et cogens ad cultum debet suffi-  
cere, ut nemo audeat propter Ecclesiae reuerentiam negare illud, quod  
colitur, esse dignum ueneratione? Innocentius 3. in cap. Maiores de  
baptismo, dixit, probabiliter esse, quod in baptismo infundantur adultis  
et paruulis habitus virtutum, ab eoque tempore nemo ausus est docere  
oppositum. Quomodo decebit aliquos asserere ad huc Conceptionem non  
esse immaculatam et Sanctam postquam Ecclesia eam colit, et uene-  
ratur, ad eamq; uenerationem repetito toties praecipio omnes fideles obli-  
gauit?



Quintum inconueniens est induci hac nouitate exemplum in Ec-  
clesia unicum, insolitum, et inauditum. Si enim liceat cogitare, Con-  
ceptionem, quam Ecclesia solemniter celebrat, esse maculatam, et  
prophanam, nullum erit inconueniens, quod pro alijs prophanis rebus solem-  
nitates Ecclesiasticae instituantur, ac per consequens, ut argumentabatur  
S. Bernardus Epistola illa 173. poterit etiam festum institui pro Con-  
ceptione S. Ioaquimi et S. Annae, imo et pro Conceptione cuiuslibet

Sancti, quantumvis fuerit maculata; imò et pro telonio Matthaei, vel persequutione, et seuitia, qua Saulus persequebatur Euleniã: hæc enim licet peccaminosa erant, fuerunt illis occasiones futura conuersionis et sanctitatis. Hoc autem quantum distet à puritate Sacrorum festorum, ostendit satis perpetuus usus Euleniæ, et auctoritas Bernardi ubi supra.

Sextum scandalum est, et quod diuturna tot Saeculorum experientia docuit, inuitabile esse contra pacem et charitatem Christianam: et quidem licet sepius repetantur priora remedia, sicut tamen usq; adue fuerunt, erunt etiam in posterum inefficacia. Fundatur enim scandalum illud commune in communi affectu et pietate fidelium, non solum erga Beatissimam Virgine, sed etiam erga Ecclesiam Catholicam, à qua accipiunt præceptum colendi eius Conceptionem. Non potest autem Christianus populus conciliare facile cum hoc præcepto, quod audeant aliqui illam maculatam Conceptionem asserere. existimat hoc cedere in irreuerentiã am Ecclesie, repugnare pietati, extinguere feruorem et deuotionem ab ipsa Euleniã insitam. Hinc oritur impatiens Zelus, quem reprimere sicut priora remedia non potuerunt, ita licet millies tententur non poterunt, quid enim est quod erit, nisi id quod fuit? Probat autem aperte hæc experientia illud scandalum pusillorum et infirmorum: constat enim, necessarium esse necessitate morali, cum nunquam usq; adue potuerit impediri, eiusmodi autem scandalum pusillorum strictè obligat, maxime Praelatos Euleniæ, ad adhibenda media omnia quibus efficaciter impediatur iuxta communem doctrinam Theologorum, 2. 2. q. 43. art. 7. et 8.

Ex his itaq; constat, scandala quæ ex presenti obscuro et confuso rerum statu oriuntur, multa et grauissima esse, quæ etiam in particulari constare magis poterunt ex authenticis informationibus, quæ ex parte prædicti Regis Catholici offeruntur: constat etiam Summum Pontificem debere, si possit, hæc scandala impedire, posse autem et certe facile probari clarè potest, quia si res bene perpendatur, ea quæ nunc in remedium petuntur, nihil ferè nouum continent, ultra id quod prius iam decretum fuerat: petitur nimirum imprimis declaratio mentis Euleniæ circa celebritatem huius festi, et hæc quidem habetur in Epistologantibus Sixti V. in quibus instituitur: ibi enim instituitur festum, et approbatur officium pro festo, ibi in oratione et antiphonis passim proponitur colenda Conceptio immaculata, et præseruatio ab Originali, et licet illud officium reductum fuerit propter maiorem commoditatem ad officium Natiuitatis in Breuiario moderno: adue tamen in multis Eulenijs retinetur ex consensu Sedis Apostolicæ, et in hodierno etiam

officio, Conceptionis Sanctitas proponitur, appellatur enim Conceptio Sancta,  
Conceptio dignissima, Conceptio gaudium annuntians, que satis expriment  
non celebrari Conceptionem Sordidam et fadam. in 2<sup>a</sup> etiam Extrava-  
gantia Sixtus IV. ex institutione festi arguit ad reprobandas temerarias  
propositiones eorum qui adhuc audebant damnare et censurare senten-  
tiam de Conceptione Immaculata. fuisse autem hoc argumentum Ponti-  
ficis inutile et uanum, si festum non fuisset de Conceptione etiam Imma-  
culata, non enim opponerentur illa propositiones festo, nisi celebraretur  
Conceptio, immaculata, quam illi auctores reprobabant. Denique hoc ip-  
sum constat ex mente omnium fere fidelium, qui festum in hoc sensu in-  
tellexerunt, neque aliud possunt intelligere, nisi Ecclēsia velit celebra-  
re Conceptionem immundam, quod ut supra vidimus esset intolerabi-  
le absurdum. Nulla igitur est difficultas in hoc puncto declarando, quod  
ante ipsam declarationem, clarissimum iam est; Petitur deinde confir-  
matio decreti Gregorij XV. inducentis omnino silentium aduersarijs, ad-  
dendo tamen, ut propter reuerentiam Apostolicę sedis declarantis  
suam mentem, et propter scandala enumerata, fiat illud silentium om-  
nino uniuersale, quod quam parum addat supra precedentia secreta,  
facile apparet. Proderit tamen (ut speramus) quia si illud silentium  
absolutē et uniuersaliter imponatur, intuitu reuerentię debite Apo-  
stolicę sedis, intelligent iam aduersarij, quam seriō Sedes Apostolica  
velit scandala impedire, et suam auctoritatem ab ea irreuerentia  
defendere.



Nunc videamus breuiter qua inconuenientia opponi possint, ne tan-  
tis malis tam facile remedium tentetur. Primum dicunt aliqui, hanc  
videri definitionem tacitam, ad quam pro nunc Ecclēsia non uult ue-  
nire, nec a nobis postulatur. Hoc inconueniens nullam habet vim.  
1<sup>o</sup>. Quia nullum est periculum definitionis, ubi Pontifex protestatur, se  
hoc decernere citra omnem definitionem fidei. 2<sup>o</sup>. quia hoc ipsum pericu-  
lum uitabitur, addendo hoc decerni et præcipi, interim, dum maturiori  
examine res non definitur. 3<sup>o</sup>. quia citra omnem definitionem possunt  
multa proponi ut colenda, et ueneranda. Sic proponitur Natiuitas Beate  
Virginis, cuius tamen Sanctitas non est de fide certa et constat ex com-  
muni sensu Theologorum 3. pte. q. 27. art. 1. imo Caietanus tom. 2. opus-  
culi. i. c. i. dixit esse solum probabilem. Sic etiam proponitur Assump-  
tio Virginis, si presentatis et alia similia, que non sunt de fide et fa-  
tentur Theologi communiter cum S. Romana supra. Sic etiam Leo 8. Pa-  
pa Mantua approbavit Canonice Christi Sanguinem, qui ex eius imagine  
fluxerat ut coleretur, ut refert Platina in eius uita, non tamen definiuit

de fide; Sic etiam tacito Pontificum consensu proponuntur veneranda multa Sanctorum corpora, pro quorum cultu Pontifices indulgentias concedunt, non tamen definiunt de fide, illa esse vera eorum corpora. Sic denique instituta sunt multa festa pro inuentione vel translatione corporum aliquorum Sanctorum. Quis autem dicat Eclesiam eo ipso definire de fide, illa esse vera corpora eorum Sanctorum? Longè igitur abest declarare quod Ecclesia celebrat Immaculatam Conceptionem Virginis à definitione de fide circa ipsum mysterium. Ad hoc enim ut Ecclesia aliquid proponat venerandum vel colendum, non requiritur fidei certitudo, circa totum illud quod proponitur. Satis est quod sit aliquid pertinens ad Deum, vel eius Sanctos, et quod prudenter credatur tale esse, ut constat ex omnibus exemplis positis: semper enim cultus ultimo fertur ad Deum, vel Sanctum, ad quem creditur pertinere et in quo colendo nullum potest esse periculum. Cum hoc tamen stat ut supra diximus, propter eiusdem Ecclesie reuerentiam debere coerceri fideles ne opponant sese Ecclesie aliquid proponenti in cultum et venerationem, nec audeant negare, illud esse dignum adoratione: in hoc autem gradu dicimus esse debere festum Conceptionis immaculata, ut licet nihil sit de fide definitum, sit tamen ab Ecclesia propositum in cultum fidelium, atque adeo non decere, aliquem circa Conceptionis sanctitatem dubia mouere. Denique ad maiorem abundantiam, et ut aduersarijs magis satisfiat, poterit Pontifex simul precipere ne aliquis eorum sententiam audeat tamquam hereticam damnare; quo omnis prorsus definitio- nis suspitio tollatur.

Opponunt 2<sup>o</sup> aliqui nescio quem timorem circa acceptationem huius decreti propter nimium affectum quo aliqui opposita sententia adherent. Hoc tamen est fingere timorem ubi nulla est causa timendi. 1<sup>o</sup> Quia cum ipsa agitur in hac controversia, quorum diuturna pietas, Zelus Catholica religionis, reuerentia perpetua erga Sedem Apostolicam et eius decreta omnibus sunt plus quam manifesta. Experientia docuit in Hispania, cum aliquando rumor falsus accusasset Paulum V<sup>m</sup> controversiam pro Immaculata Conceptione terminasse, eos primos omnium publicis latitis signis nuntium illud solemniter celebrasse. 2<sup>o</sup> demum ipsos tanta pietatis non esse erga Apostolicam Sedem. Quod tamen tentarent prudentissimi homines, quorum fortune honor vita penderet à Catholicis ubique Principibus, qui omnes hodie erga hanc celebritatem deuotissimi toti erunt in Apostolici decreti executione procuranda. Scimus eos Patres in Gallia propterea apparentem quandam Conuulsi Basiliensis auctoritatem his hæc postea controversia perpetuo situisse. quid faciet Romana Ecclesia

serio id precipientis auctoritas? Demus tamen adus non silere, sed tu-  
multuari. talene existimandum erit eiusmodi scandalum, ut propterea  
dissimuletur, et grauiora scandala permittantur? facilius tolerari potest  
vnius vel alterius difficultis obedientia, aut usuratio contra preceptum,  
quam auctoritatis Pontificie contemptus, Christiane plebis turbatio, re-  
ligiosorum dissidia, hereticorum insubatio et alia, quae enumeravi-  
mus. Grauius multo obligat scandalum praesens ad remedium, quam  
illud, quod futurum fingitur obliget, ut praueatur. Hoc enim praesens  
vniuersale est, et passiuum, ut vidimus, illud vero particulare, esset et  
actiuum, quod non tenemur praueare. Est enim communis Theologorum  
doctrina in 2<sup>o</sup> Q<sup>o</sup> q<sup>o</sup> 4<sup>o</sup> scandalum illud quod oritur ex malitia  
scandalizati, non obligare ut ad illud vitandum omittamus aliquid  
cum aliquo detrimento citam temporali, quantumcumque cum spirituali.  
in nostro autem casu scandalum si quod esset, foret utiq; mere actiuum,  
non enim oriretur ex ignorantia, sed ex mera malitia illius, qui nol-  
let obedire. Si de veritate scandalum sumitur (inquit Gregorius) uti-  
ficus scandalum permittitur, quam veritas relinquatur in hoc enim  
casu a fortiori militat regula illa vulgaris Theologorum desumpta ex  
glossa ordinaria in c. 15. Math. quod omnia dimittenda sunt prop-  
ter scandalum (scilicet passiuum) quae possunt omitti, salua triplici ve-  
ritate, scilicet, vita, iustitia et doctrina. Quod si doctrina non est  
omittenda propter scandalum passiuum, quanto minus propter solum  
actiuum?

Opponi potest 3<sup>o</sup> exemplum aliorum Pontificum, qui non obstantibus  
scandalis, quae modo allegantur, adhuc rigorem in remedijs adhibendis  
non venerunt. Respondetur facile, ipsos potuisse adhuc sperare de uti-  
litate aliorum mediorum, quae supererant tentanda: nunc iam nihil  
superest quod prudenter sperari possit profuturum. Item retorquetur ar-  
gumentum: nam illi semper aliquid addiderunt, ut scandala cohiberent,  
nunc ergo aliquid addendum est: nihil autem minus, aut leuius potest  
excogitari, quam id quod de nouo petitur.

4<sup>o</sup> Opponi potest auctoritas Pij VI. in Bulla Super Specula, qui  
dixit, hanc veritatem non esse ex necessarijs; non ergo ita urgendum  
in eius declaratione. Respondemus, nos non urgemus in declaratione  
mysterij, sed in declaratione mentis Ecclesiae, haec autem veritas, siue  
scilicet, quid precipiat Ecclesia in hoc festo est valde necessaria, ne  
facile audeant contra Ecclesiae intentionem, eius mentem aliqui in  
sinistram partem interpretari cum scandalo Catholicorum, et hereticorum,  
ut vidimus. Necesse item est, verba precepti Ecclesiastici clara esse,

142  
297

Greg. hom. 7. in Ezech.



11  
115

non æquivoca vel captiosa, sed que in sensu simpli et  
 civili intelliguntur; erit autem lex (inquit Juridicus c. r. dist. 4) mani-  
facta quoque, ne aliquid per obscuritatem in captionem contineat, ubi  
glossa addit, ne aliquis captiosè possit eam interpretari, vel etiam ne  
aliqui laqueus pareatur peream. tale utiq; esset præceptum cuius festi-  
 vilitatis, si eas admitteret explicationes, quas aliqui pretendunt. Para-  
 ver etiam laqueos fidelibus, præcipiens cultum Conceptionis sub eo nomine  
 quo omnes intelligunt Inmaculatam, si tamen talis Conceptio in digne  
 na esset illo cultu. Oportet ergo omnino Pontificem verum sensum Ec-  
 clesiastici præcepti declarare, et tueri. nam ut dicit Gratianus  
 in c. ideo dist. 125. Sacri quidem Canones ita aliquid constituent,  
ut interpretationis auctoritatem Sancta Romana Ecclesia referent;  
ipsi enim solum Canones valent interpretari, qui ius condendi canonis  
habent.

Petit utaq; à Pontifice explicatio cuiusdam Canonica veritatis, quam  
 ipse facile potest, et pro suo munere debet explicare, ne ex ipsius silen-  
 tio aliqui maiorem licentiam accipiant, legem illam canonicam cap-  
 tiosè et sinistrè interpretandi.



*[Faint, mostly illegible handwritten text, likely bleed-through from the reverse side of the page.]*

257rep<sup>bi</sup>

1728


*[Faint, illegible handwritten text in a cursive script, likely a historical document or letter.]*

*[Faint, illegible handwritten text, continuing from the upper section.]*



Cuenta 318 folios útiles foliados  
20 Em.º 1905


319 fol. + fol. 251 à 258 rep. + 317 bis + 27 huj. en bl.  
faltan los fol. 278 y 279 (resto compl.)  
15 - Mayo - 1912



Handwritten text in red ink, possibly a date or reference number, located at the top of the page. The text is faint and difficult to decipher but appears to include the year '1902'.

A faint purple circular stamp or seal, partially obscured by the torn edge of the paper. The text within the stamp is illegible.





CAJA -2

65